

CGC Menghargai Jasa Wira Negara

KELANA JAYA, 17 September – Bersempena Hari Malaysia dan Hari Pahlawan yang akan berlangsung dari 18 hingga 20 September, Credit Guarantee Corporation Berhad (CGC) telah menganjurkan sebuah majlis minum petang bersama Persatuan Bekas Polis Malaysia (PBPM) bagi meraikan 50 orang bekas anggota polis, di bangunan CGC.

Pada majlis tersebut, para veteran polis berkongsi pengalaman mereka ketika berkhidmat. Sebagai anggota polis veteran, mereka telah banyak berkorban masa dan tenaga. Cabaran yang perlu mereka tempuh setelah tamat tempoh perkhidmatan juga bukanlah sesuatu yang mudah. CGC menyampaikan sumbangan kepada ahli-ahli PBPM sebagai tanda terima kasih terhadap pengorbanan mereka dalam menjaga keamanan dan keharmonian negara.

Majlis ini juga bertujuan untuk memberi kesedaran kepada kita agar tidak mengambil mudah setiap perjuangan dan pengorbanan seorang anggota polis. Keselamatan dan kesejahteraan negara amat penting untuk memastikan rakyat Malaysia dapat meneruskan kehidupan seharian mereka dengan aman dan harmoni.

Menurut Presiden / Ketua Pegawai Eksekutif, Datuk Mohd Zamree Mohd Ishak, "Kami di CGC berasa teruja, kerana dengan peluang ini, kami dapat meraikan dan menghargai sumbangan bekas anggota polis yang sudah semestinya telah banyak berkorban masa dan tenaga, dalam menjamin kesejahteraan tanah air tercinta kita."

PBPM ditubuhkan untuk membantu dan memberi pertolongan kepada ahli-ahli bekas polis dan tanggungan mereka yang memerlukan bantuan dari segi kebajikan termasuk kemudahan perubatan dan rawatan. CGC juga meraikan perpaduan dan kepelbagaian negara kita dengan mempamerkan Jalur Gemilang Gergasi bersama-sama dengan 14 bendera negeri sejak Ogos, yang akan dikibarkan sehingga akhir bulan ini.

- Tamat -